

IZMJENE I DOPUNE PROCEDURE ZA RAD PREDŠKOLSKIH USTANOVA

- vodič za unapređenje biosigurnosti u vrtićima -

Ove Izmjene i dopune Procedure ne isključuju provođenje prethodno izdatih Procedure, osim u dijelovima koji su ovdje naglašeni u smislu izmjena i dopuna. Ovaj dokument i dalje je podložan novim izmjenama i dopunama. Također, i dalje je na snazi dokument Uputstvo za komunikaciju i protokol postupanja u kontekstu COVID-19.

Operativni krizni tim ustanove ima ključni značaj za rješavanje dilema. Ovaj tim u svim potencijalnim situacijama u kojima se predškolska ustanova nađe treba da izvrši analizu rizika uz obavezno dokumentovanje, te da detaljno razradi operativne mjere u svrhu sprečavanja širenja zaraze, a koristeći Procedure i izmjene i dopune istih. Analizu rizika i utvrđivanje potreba za revizijom Planova internog nadzora i kontrole nad biosigurnosnim aspektima u kontekstu COVID-19 treba vršiti metodologijom koja je od strane Instituta dostavljena svim predškolskim ustanovama na području ZDK. Služba za školsku higijenu Instituta će i dalje pružati savjetodavnu podršku.

ORGANIZACIJA RADA S DJECOM. Preporučuje se rad uskladiti sa pedagoškim i zdravstveno-higijenskim zahtjevima iz Pedagoških standarda i normativa za predškolski odgoj i obrazovanje. Pa ipak, treba težiti koliko god je moguće što manjem broju djece u jednoj skupini.

PROGRAM OBAVEZNOG PREDŠKOLSKOG ODGOJA I OBRAZOVANJA. Način postupanja u smislu provođenja preventivnih higijenskih mjera može se poistovijetiti sa preporukama definisanim dokumentima Procedure za rad odgojno-obrazovnih ustanova – vodič za unapređenje biosigurnosti u kontekstu COVID-19 sa svojim Izmjenama i dopunama, te Procedure za rad predškolskih ustanova – vodič za unapređenje biosigurnosti u vrtićima sa svojim Izmjenama i dopunama. U tom smislu veoma je važna uloga školskih i vrtićkih operativnih kriznih timova koji treba da provedu prethodno spomenutu analizu rizika. U ovom smislu biće neophodno modificirati ograničenje ulaska „trećim“ licima u objekte škola i vrtića na način da se omogući odvijanje Programa obaveznog predškolskog odgoja i obrazovanja.

VAKCINACIJA PROTIV COVID-19. Od iznimne je važnosti poticati osoblje, ali i roditelje/staratelje djece da razmotre vakcinisanje protiv COVID-19.

OPREZ I ODGOVORNOST!!! VAŠ INZ